

From: Unit Komunikasi Korporat
Sent: Thursday, October 25, 2018 8:29 AM
To: UUM - All Staff; UUM - All Students
Subject: Siswapreneur Showcase Ketengah Bakat Keusahawanan Pelajar



Unit Komunikasi Korporat
CORPORATE COMMUNICATION UNIT
Universiti Utara Malaysia

25 OKTOBER 2018 / 16 SAFAR 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media dan Siti Norliana Noordin
Gambar oleh: CEDI

SISWAPRENEUR SHOWCASE KETENGAH BAKAT KEUSAHAWANAN PELAJAR



UUM ONLINE: Pulau Pinang - Bagi mengetengahkan bakat keusahawanan dalam kalangan pelajar khususnya, Universiti Utara Malaysia (UUM) menerusi Institut Pembangunan Keusahawanan dan Koperasi (CEDI) dengan kerjasama Kementerian Pendidikan Malaysia (KPM) telah menganjurkan Siswapreneur Showcase Siri 4/2018 selama tiga hari bermula 19 Oktober lalu di Mydin Mall, Bukit Mertajam.

Siswapreneur Showcase merupakan program anjuran KPM yang diadakan pada setiap tahun secara bersiri di seluruh Malaysia melibatkan penyertaan universiti awam dan swasta.

Pengarah CEDI, Prof. Madya Dr. Abd Rahim Jaguli berkata, Siswapreneur Showcase menjadi platform kepada pelajar universiti untuk mengetengahkan bakat keusahawanan mereka melalui pameran dan jualan produk serta perkhidmatan yang dihasilkan.

Menurutnya, lebih 500 orang mengambil bahagian terdiri daripada pelajar, wakil universiti awam dan swasta, Politeknik, Kolej Komuniti dan Kementerian.

"Produk dan perkhidmatan yang diketengahkan pada program ini dipecahkan mengikut lima (5) kluster iaitu Makanan dan Minuman, Kecantikan dan Kesihatan, Seni Kreatif, Kraf dan Produk Inovasi, Perkhidmatan dan Fesyen dan Aksesori.

"Selain pameran dan jualan, pelbagai aktiviti sampingan juga akan diadakan antaranya seperti kempen derma darah, *explorace* keusahawanan, *siswapreneur pitching*, kempen kesedaran kesihatan dan persembahan pentas," katanya.

Beliau berkata, Siswapreneur Showcase membuka ruang dan peluang kepada pelajar untuk meningkatkan jaringan usahawan mereka bersama industri, selain dapat mempromosikan produk inovasi dan keusahawanan masing-masing ke pasaran komersial dan lebih berdaya saing.

Di samping itu, menurutnya, pelajar juga akan mendapat motivasi dan meningkatkan keyakinan untuk berada dalam dunia perniagaan sebenar.

Katanya, UUM turut menghantar 11 pelajar bagi memperkenalkan produk mereka kepada orang ramai sepanjang Siswaperenure Showcase berlangsung.

"Antara empat produk yang diketengahkan oleh usahawan pelajar UUM ialah produk inovasi berasaskan makanan Jepun iaitu sushi bercitarasa tempatan, aneka roti, jagung serta produk pakaian.

"Malah, pelajar kita, Nuraida Amira Baharuddin telah mendapat tempat keempat apabila berjaya mendapat kutipan tertinggi menerusi hasil jualan dan pameran ini," katanya.

Peserta dari UUM, Siti Norliana Noordin berkata, program tersebut adalah pengalaman kedua dia membuat pameran dan jualan dan dia teruja dengan sambutan yang diterima daripada pengunjung yang menyukai sushi tempatan dihasilkannya.

Sepanjang program itu, antara aktiviti dijalankan ialah pertunjukan Brass Band oleh Kelab Brass Band UITM, Buskers USM, Majlis Konvo Pelajar Tadika, persembahan Kumpulan Tarian Bidasari Pusat Budaya, UUM dan Du-IT Wise, Millionaire Challenge oleh UniMAP.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.